



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXI. Indulgentiæ perp. pro Ord. S. Francisci de Observ. & aliis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Superior etiam per formalia precepta illis jubere, & eosdem dirigere, gubernare, visitare, corrigere, & punire, etiam per censtras, & contra eos juxta casum contingentiam ad sententias, & pœnas in illius Congregationis, cujus ille Superior esset, Constitutionibus præscriptas procedere possit, adeo ut Professores dictæ Congregationis Hispaniæ intra terminos Congregationis Italiæ supradictæ reperti, perinde ac si de Congregatione Italiæ hujusmodi essent, e contra verò Professores dictæ Congregationis Italiæ intra terminos supradictæ Congregationis Hispaniæ pariter reperti, perinde ac si de dicta Congregatione Hispaniæ essent, tam in favorabilibus, quam in odiosis (non tam quoad Superioritates, & officia) respective haberentur, alerentur, & tractarentur conventionem inter ipsas Congregationes facta ita observandi, & observari faciendi, necnon jurisdictione vicissim communicata, seu translata, & communicatam, seu translata vicissim pariter acceptata, & alias prout in eorumdem Diffinitiorum, & Capitulorum Generalium Decretis desuper emanatis uberius dicitur contineri.

§. 1. Cum autem sicut eadem expositio sub-
jungebat, in iisdem Diffinitoriis, & Capitulis Generalibus pro præmissorum omnium validitate, & firmitate subsistentia ulterius statutum fuerit, ut illorum confirmatio ab hac S. Sede impetranda esset: nobis propterea Exponentes præfati humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur specialem ipsis Exponentibus gratiam facere volentes, & eorum singulas personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatas existant ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinari, ordinationes præfatas in Diffinitoriis, & Capitulis Generalibus utriusque Congregationis hujusmodi factas, ut præfertur, emanataque desuper Decreta supradicta, auctoritate Apostolica tenore præsentium confirmamus, & approbamus, illisque in violabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 3. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab illis respective inviolabiliter observari; sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationum, & Ordinis prædictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat, specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscis die XX. Novemb. MDCXCII. Pontificatus nostri Anno Secundo.

Conceduntur Indulgentiæ perpetuæ utriusque sexus personis Ord. S. Francisci de Observantia necnon Christianissimæ Societatum in illorum Ecclesiis erectarum.

Alia Indulgentiæ extant Inn. XI. Const. ed. 1687. Jan. 22. Pont. 11. Et hujus Pontificis Const. ed. 1695. Aug. 18. Pont. 5.

INNOCENTIUS PAPA XII.

Ad perpetuam rei memoriam.

AD ea, per quæ Animarum Christianissimorum salus procuratur libenter intendimus, & eorumdem Christianissimorum devotionem, ut spiritualibus exercitiis ferventius incumbant, cælestium munerum largitione libenter fovemus, & incitamus.

§. 1. Itaque de Omnipotentis Dei Misericordia, ac Beatorum Petri, & Pauli Apostolorum ejus auctoritate confisi, supplicationibus quoque dilecti Filii Francisci Diaz a Sancto Bonaventura Ordinis Fratrum Minorum S. Francisci de Observantia nuncupatorum Diffinitoris Generalis necnon Missionum pro familia ultramontana dicti Ordinis Procuratoris nomine Nobis super hoc humiliter porrectis inclinari, omnibus, & singulis Fratribus, & Monialibus, & aliis utriusque sexus personis Ordinum, & Congregationum obedientiæ, seu directioni Ministri Generalis ejusdem Ordinis nunc, & pro tempore subjectis, ac etiam Christianissimibus Confratribus, & Confororibus quarumlibet Confraternitatum, & Societatum, sive sub Immaculatæ Conceptionis Beatæ Mariæ Virginis, sive sub alio quolibet titulo, seu Invocatione tam hæcenus in eorumdem Fratrum, & Monialium Ecclesiis canonice erectarum, quam in posterum canonice erigendarum, qui per quadrantem horæ Orationi Mentali vacaverint, pro qualibet vice centum dies, qui per duos quadrantes continuatos, vel saltem per quadrantem horæ singulis diebus, & per totum mensem dabunt operam, & vere pœnitentes, & confessi Sanctissimum Eucharistiæ Sacramentum sumperint, ac pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, plenariam semel quolibet mense omnium peccatorum suorum Indulgentiam, & remissionem, quam per modum suffragii Animabus Christianissimorum, quæ Deo in charitate conjunctæ ab hac luce migraverint, applicare possint, Apostolica auctoritate tenore præsentium misericorditer in Domino concedimus. Insuper quod Fratres, & Moniales, ac utriusque sexus personæ hujusmodi orationi mentali, sive (ut dicitur) *Via Crucis exercitio*, ad quam, seu quod ratione eorum Regulæ, & Constitutionum quolibet die tenentur, operam dantes, prædictas omnes, & singulas Indulgentias, & peccatorum remissiones, & pœnitentiarum relaxationes proportionabiliter lucrari, & consequi possint, & valeant, auctoritate, & tenore prædictis indulgemus. Præsentibus perpetuis futuris temporibus valituris.

XXI.

Dat. 24. Dec. 1692. Au. 2.

Exordium.

Preces Diffinitoris Gen. & Procuratoris Ultramontani.

Concessio Indulgentiæ.

100. dierum.

Plenariæ per modum suffragii.

Nova concessio præd. Indulgentiarum.

Preces Procuratorum Generalium.

Confirmatio præd. Decretorum.

Clausula.

§. 2. Non obstantibus Constitutionibus, & Ordinationibus Apostolicis; cæterisque contrariis quibuscumque:

§. 3. Volumus autem, quod præsentium literarum transumptis, seu exemplis, etiam impressis; manu alicujus Notarii publici, vel Secretarii Generalis dicti Ordinis subscriptis, & sigillo Ministri Generalis ejusdem Ordinis vel alterius Personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscat. die XXIV. Dec. MDCXCII. Pontificatus nostri Anno Secundo.

XXII.

Confirmatur Decretum Capituli Generalis Ordinis Carmelitarum pro Alternativa in Provincia Castellæ.

Const. ed. 1692. Nov. 22. P. 2. reperiuntur Decreta Capitulum General. pro pace utriusque Congregationis, Const. ed. 1694. Feb. 9. P. 3. declaratur quoddam Breve circa Superiores Monialium Excalceat. Regni Franciæ. Et Clem. XI. Const. ed. 1702. Novem. 24. P. 2. extat Decretum Card. Protectoris circa erectionem Confraternitatum, & distributionem Scapularium pro Congregatione Hispaniæ Excalceat.

Dat. 2. Jan. 1693. An. 2.

INNOCENTIUS PAPA XII.

Ad futuram rei memoriam.

Species facti.

EXponi Nobis nuper fecit dilectus filius Procurator Generalis Ordinis Fratrum Beate Mariæ Virginis de Monte Carmelo, quod in Capitulo Generali dicti Ordinis novissime celebrato ad religiosam pacem ob varias lites in Provincia Castellæ ejusdem Ordinis, quippe quæ in duas partes, nempe in veterem & novam dividitur, exortas hæud parum conturbatam, firmiter stabilendam, necnon ad ipsius Provincie instantiam quædam Alternativa quæ ad officia Provincialatus, & socii ejusdem Provincie inter partes præfatas de cætero servanda ordinata fuit, pro ut continetur in Decreto dicti Capituli Generalis desuper emanato tenoris, qui sequitur videlicet: Die Mercurii scilicet 28. coram Illmo Dño Busto statutum est, quod cum Castellæ veteris, & nova habeant Alternativam in officio Provincialatus, & Socii, itaut quando Provincialis est ex una Castellæ, Socius illius sit ex alia: & in spatio triginta quatuor annorum magna fuerit inæqualitas in præjudicium Castellæ veteris; ut Alternativa in posterum æqualiter mensuretur, si Provincialis sit in Gubernio per triennium, vel quadriennium in una Castellæ, sit etiam Provincialis Castellæ ex altera parte per æquale tempus; sive per mortem, sive per assumptionem, sive per liberam renunciationem, cesset Provincialatus; itaut ex illa parte, ad quam pertinet regimen adæquetur triennium, vel quadriennium. Et quia in præfati Rev. admodum Pr. Magister Ludovicus Sbarra habet gubernium per quadriennium, Provincialis, qui eligitur anno 1693. per quatuor annos debet gubernare, & sic alternatim, ut post quadriennium Castellæ veteris, incipiat Castellæ nova tantum per triennium, nisi adsint urgentissimæ causæ, sed semper deinceps servetur Alternativa æqualiter, itaut Clausula, quæ est in actis reunionis nullo modo inficiat huic præfati Decreto, quod conficitur pace, & quiete utriusque Provincie ad vitandum omne litigium.

Preces Procuratoris Generalis.

§. 1. Cum autem, sicut eadem expositio sub-

jungebat prædictus Procurator Generalis Decretum hujusmodi, quo firmius subsistat, & servetur exactius Apostolica confirmationis nostræ patrocinio communiri plurimum desideret: Nos ipsum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interditi, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinatis, de Venerabilium Fratrum Notariorum S. R. E. Cardinalium negotiis, & consultationibus Episcoporum, & Regularium præpositorum; qui dilectum filium modernum Priorem Generalem dicti Ordinis audiverunt, consilio Decretum præinsertum a Capitulo Generali præfato die 28. Maji proxime præteriti editum, auctoritate Apostolica tenore præsentium confirmamus, & approbamus, illique inviolabilis Apostolica firmitatis robor adjicimus, ac omnes, & singulos Juris, & facti defectus, si qui desuper quomodolibet intervenierint, supplementis, salva tamen semper in præmissis auctoritate Congregationis eorumdem Cardinalium.

Confirmatio relati Decreti.

Clausula.

§. 2. Decernentes ipsas præsentibus literas semper firmas, validas, & efficaces existere, & fore suosque plenarios, & integros effectus fortiri, & obtinere, ac illis ad quos spectat, & pro tempore quâdocumque spectabit plenissime suffragari, & ab illis respective inviolabiliter observari; Sicque in præmissis per quoscumque Judices ordinarios, & Delegatos, etiam Casuarum Palatii Apostolici Auditores, judicari, & definiri debere, ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Ordinis, & Provincie hujusmodi, etiam juramento, confirmatione Apostolica, vel quavis firmitate alia roboratis Statutis, & Consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscat. die II. Januarii MDCXCIII. Pontificatus nostri Anno Secundo.

Confirmatur Decretum Capituli Intermedii Monachorum Cisterciensium Congr. Portugalliæ de non recipiendis illegitimis, & a quavis alia Religione expulsi.

XXIII.

Alex. VIII. Const. ed. 1689. Decemb. 23. P. 1. agitur de electione Abbatis. Et hujus Pontif. Const. ed. 1694. Mar. 24. P. 3. de Appellatione ad iudices extra Religionem.